

BOSNIA AND HERCEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 07-11-13-396-15/2024
Sarajevo, 26.11.2024. godine

Na osnovu člana 69. stav (2) tačka d), člana 70. st. (1), (4) i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24) i preporuke Komisije za nabavku roba - sredstva i oprema za opremanje službe za seizmologiju i hidrometeorologiju (LOT 3: Automatska stanica (padavinska, hidrološka i meteorološka)), broj: 07-11-13-396-11/2024 od 18.11.2024. godine, privremeno postavljeni direktor Federalne uprave civilne zaštite donosi:

ODLUKU
o poništenju postupka javne nabavke roba

1. Poništava se otvoreni postupak javne nabavke roba - sredstva i oprema za opremanje službe za seizmologiju i hidrometeorologiju (LOT 3: Automatska stanica (padavinska, hidrološka i meteorološka)), iz razloga što nijedna od primljenih ponuda nije prihvatljiva.
2. Ova odluka biće objavljena na web stranici Federalne uprave civilne zaštite (www.fucz.gov.ba), istovremeno sa upućivanjem iste ponuđačima koji su učestvovali u postupku javne nabavke.

OBRAZLOŽENJE

Odlukom o pokretanju postupka javne nabavke, broj 07-11-13-396-2/2024 od 14.10.2024. godine, pokrenut je otvoreni postupak javne nabavke roba - sredstva i oprema za opremanje službe za seizmologiju i hidrometeorologiju (LOT 3: Automatska stanica (padavinska, hidrološka i meteorološka)).

U skladu sa članom 35. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24, u daljem tekstu: ZJN), Obavještenje o nabavci broj: 1095-1-1-89-3-37/24 objavljeno je na Portalu javnih nabavki (www.ejn.gov.ba) dana 18.10.2024. godine, a sažetak Obavještenja o nabavci u „Službenom glasnik BiH“ broj 72/24.

Procijenjena vrijednost predmetne javne nabavke utvrđena je u iznosu od 43.000,00 KM bez uračunatog poreza na dodanu vrijednost (PDV).

U skladu sa Obavještenjem o nabavci i tenderskom dokumentacijom, dana 12.11.2024. godine u 12,30 sati Komisija za nabavku roba - sredstva i oprema za opremanje službe za seizmologiju i hidrometeorologiju (LOT 3: Automatska stanica (padavinska, hidrološka i meteorološka)) (u daljem tekstu: Komisija), pristupila je javnom otvaranju ponuda.

Komisija je utvrdila da je pristigla jedna ponuda ponuđača „ALEM SISTEM“ d.o.o. Sarajevo, u ispravno zatvorenoj koverti.

Prilikom otvaranja ponuda predsjedavajuća Komisije je saopćila: naziv ponuđača i ukupnu cijenu ponuda, te su svi potrebni podaci uneseni u Zapisnik sa otvaranja ponuda.

Dana 13.11.2024. godine, Komisija je na zatvorenoj sjednici pristupila provjeri kvalifikacije ponuđača i ocjeni pristigle ponude. Komisija je konstatovala da ponuđač

ALEM SISTEM“ d.o.o. Sarajevo nije kvalifikovan i ne ispunjava uslove tenderske dokumentacije. Ponuđač u svrhu dokazivanja tehničke i profesionalne sposobnosti iz čl. 48. i 49. ZJN, nije dostavio spisak najmanje tri uredno izvršena ugovora u prethodne tri godine (2023., 2022. i 2021. godina) čiji su karakter i kompleksnost slični onima koji se odnose na predmetnu nabavku roba, odnosno koji se odnose na mjernu, laboratorijsku, meteorološku i sličnu opremu, u iznosu od minimalno 50% procijenjene vrijednosti po LOT-u i potvrdu o njihovoj realizaciji koju daje druga ugovorna strana. Obzirom na naprijed navedeno, a u skladu sa članom 68. stav (4) tačka i) ZJN, Komisija je ponudu ponuđača „ALEM SISTEM“ d.o.o. Sarajevo odbacila jer nije potpuna i ne ispunjava zahtjeve iz tenderske dokumentacije.

Slijedom navedenog, Komisija je predložila da se predmetni postupak poništi, u skladu sa članom 69. stav (2) tačka d) Zakona, te je odlučeno je kao u dispozitivu.

Protiv ove odluke, može se izjaviti žalba ugovornom organu najkasnije u roku od 10 (deset) dana od dana prijema ove odluke.



DOSTAVLJENO:

- „ALEM SISTEM“ d.o.o. Sarajevo
- Sektor za računovodstveno - finansijske poslove, javne nabavke i skladištenje x2
- Tenderski dosije
- a/a